

欽定大清會典事例

欽定大清會典事例卷六百五

兵部

八旗處分例

參劾限期

襲職休致

營私

患病

參劾○原定王公等將旗分之人妄行擾累未經請

旨即行治罪者該都統等據實具奏若瞻徇隱匿不具奏者降三級調用○康熙四十二年題准將軍都統貪婪副都統不據實參奏副都統貪婪將軍都統不據實參奏發覺審實之印無論同城不同城皆降三級調用○雍正六年議准將

軍都統副都統等聞有貪劣屬員。行令該管官
訪查。該管官不即速申覆。或洩漏風聲。以致貪
劣官自盡。或潛逃者。將該管官罰俸一年。其自
盡者。如有威逼致死情由。審實有確據者。將威
逼之官革職。提問至屬員互相訐告。該管官不
行詳報。及經將軍都統副都統等知覺。行令飭
查。又復詳報遲誤。或將軍都統副都統訪查屬
員優劣。該管官不速申覆者。皆罰俸一年。若該
管官未奉將軍都統副都統明文。即將屬員拘
拏羈禁者。革職。○又議准八旗所屬各官貪婪

該管官不據實詳揭。經將軍都統副都統題參審實之日。係知情者。無論同城不同城。將該管官降三級調用。統轄官降二級調用。失察者。同城之該管官降一級留任。統轄官罰俸一年。不同城百里以內者。該管官罰俸一年。統轄官罰俸九月。百里以外者。該管官罰俸九月。統轄官罰俸六月。如統轄官將貪劣屬員申報將軍都統副都統。該管官不詳揭。或該管官申報統轄官。統轄官不申報將軍都統副都統。或該管官申報將軍都統副都統。竟不申報統轄官者。亦

照此例分別議處。其不同城各官於疏內將里數聲明。以憑查議。僅里數聲明失實。將轉詳官照徇情例議處。至貪婪之處。該管上司正在訪查。而將軍都統副都統先已發覺。即行詳揭者。該管上司止照失察例議處。至提參貪劣屬員。不將未經詳揭之該管各官附參者。罰俸一年。署印官不詳揭貪劣屬官者。如到任不及一月。免議一月以上。與實授官一例議處。至科道糾參貪劣官款蹟。審實之日。將不詳揭之該管統轄各官分別議處。不題參之將軍都統副都統。

皆照統轄官例議處。○乾隆六年奏准八旗武職該管上司將所屬官員經管事件並月日不行查明誑開以致本官革職者將申報上司降一級調用將軍都統等降一級留任如本官降級者將申報上司降一級留任將軍都統等罰俸九月本官罰俸者將申報上司罰俸六月將軍都統罰俸三月如將不應參之官誤報題參未經處分經部查出若係革職降級事件將申報上司罰俸一年將軍都統等罰俸六月若係虛降虛革及住俸罰俸事件將申報上司罰俸

六月將軍都統等罰俸三月。○二十九年議准八旗參奏事件。無論案情大小。即將應參各該員職名列入摺內。其有關繫歷任處分當時未能確查者。即在摺內聲明。仍於鈔送原奏後。定限十日。將職名查明補送。如有仍前籠統參奏及咨送違限者。照遺漏例。將該管大臣議處。○嘉慶六年奏准官員互相訐告。該管各官不行申報。及經將軍都統副都統訪聞行查。又遲誤不速行查報者。均降一級留任。或屬員貪劣。將軍都統副都統密行查訪之時。洩漏風聲。以致

本員自盡脫逃者均降一級調用。○八年

諭前因御史喬遠煥奏本年查辦貴州陝西經理軍需各員案內有原參嚴加議處而吏部僅照常例覈議者有原參分別嚴議而吏部不按銀數多寡概議以降五級調用者特發交該部詳查軍需處分例案妥議具奏茲據奏稱定例各督撫參劾屬員不得用嚴加議處字樣吏部辦理此二案時覈其情節均屬濫支濫應各員經理不善各實相同而例無按其銀數多寡分別輕重之例是以均照軍需錢糧擅自動用常例一律定議等語外省參劾屬員定例固有不應

奏請嚴加議處之條。但既有此請。朕閱看其中。或有不應嚴議者。朕必即行更改。若既發交部議。即同奉旨嚴議。豈可不遵該部如以嚴議一節。惟特旨交部之員。照例加等。若係臣工奏請者。仍照常辦理。即當隨案聲明。或將違例參劾之大臣。據實參奏。方為正辦。今吏部於黔陝軍需兩案。未經詳晰聲敘。未免拘泥。嗣後除特旨交部嚴議之案。仍加等覈議外。其各省參劾屬員。如有情節本輕而上司遽請嚴議。或情節較重。僅請議處者。著該部即將奏請處分未協之原參督撫等。隨摺聲明。候朕定奪。○又議定。凡官員

應得處分。該將軍都統等照例分別題咨參奏。不准用嚴加議處字樣。如有情節本輕而遽請嚴議者。除將所參之員照例議處外。仍將原參未協之大臣。隨摺參奏。若奉

旨將原參大臣交部議處者。照誤揭屬員經部查出未經處分例分別議處。○道光二年奏定。內外八旗武職官員。經該管上司列款糾參之後。乃將上司列款首告者。由該衙門奏交刑部審訊。如果虛誣。嚴行治罪。○又奏定。內外武職大臣糾參屬員。必將應參之事。備列款蹟。或無

款可列必將應參情由據實指出具奏如有不
列款蹟不據實情含糊參奏者降一級留任○
十四年奏准將軍都統副都統不將年老衰病
之屬員隨時揭參別經發覺勒令休致者該將
軍都統副都統降二級留任○咸豐元年奏准
內外八旗武職大臣被人參劾並不靜聽部議
候

旨裁奪妄自具摺陳辯者降三級調用○十年

諭參員訐告上司定例立案不行其有情節較重或牽
涉贓私不得不加以查辦惟審訊既屬虛誣則挾嫌

陷害之人。自應從重懲治。以昭平允。嗣後各直省參員。訐告上司者。除立案不行外。其有欽派大員審訊。因誣告而罪擬流徒者。均不准贖罪。因有賄和而被革職者。亦不准捐復。以儆官邪。而懲刁健。

襲職。○原定內外大小旗員有缺。該管大員揀選擬補時。有爭告者。將具告之人。並擬補之人。秉公衡量。人材勞績。照例辦理。如人材勞績。不及擬補之人。仍妄行爭告者。參奏請

旨。交部確查。妄告屬實。係官降二級調用。常人交刑部治罪。若擬補不當。經部審出。將該管大員降

一級罰俸一年。又定世爵官身故該佐領等具保實無應襲之人將

敕書繳部奏明註銷之後原保之佐領等復捏稱尚有應襲之人妄行呈告者革職。又定世爵官病故已將族中兄弟兄弟之子保送承襲後故官之妻及族人復將不應承襲之人告請承襲者鞭一百婦人照例折贖族人係官降二級調用若承襲世爵有舛錯等弊將含糊出結官降一級罰俸一年。又定凡應承襲之世爵遺漏未經承襲者承辦官罰俸一年該管大員罰俸

六月○順治年閒定旗員於承襲官爵時承造家譜故將有分親支子孫不行造入者降三級調用若承造家譜將同祖親屬姓名疏忽遺漏者罰俸三月○又定官員希冀承襲官爵並承受家產將伯叔親生之子誣為奴僕之子者革職若於承襲時將原立官人之嫡親子孫作為遠族者降三級調用○嘉慶六年奏准世職身故經該佐領具結實無應襲之人奏明註銷之後復以有應襲之人呈告者查係實屬應襲之人除奏明承襲外將具結不實之佐領等降二

級調用若並非承襲之人妄行控告本人係官革職無職之人鞭一百。又奏准八旗世職承襲後如有將應送吏部添註之原領襲官

敕書並應送部換給

救命者呈報遲延或遺漏不行呈請將世職官罰俸一年失於查察之該管佐領驍騎校罰俸六月參領副參領罰俸三月如係該管佐領等呈報遺漏或辦理遲延將該佐領驍騎校罰俸一年參領副參領罰俸六月外省駐防亦照此例辦理。又奏准官員希圖承襲官爵及承受家產

將伯叔親生之子。誣為奴僕之子。並於承襲時。將原立官人之嫡親子孫。捏為遠族者。除照例議處外。其不行詳查之佐領。驍騎校。及辦理襲官之員。均降二級留任。○十一年。奏准承襲恩騎尉之人。病故。或因公罪革職。並無餘罪者。所出之缺。准令出缺之子孫承襲。或因公罪革職。後尚有餘罪者。所出之缺。另簡原立官親子孫承襲。若犯貪婪一切重罪者。雖有立官人之親子孫。俱不准承襲。○道光五年。奉

旨。前因世管佐領保升犯貪婪私罪革職出缺。該旗以

其子阿林擬正請襲世職當交兵部詳查有無似此成案茲據查明該部定例凡世職犯公私罪革職有餘罪者子孫不准承襲革職無餘罪者子孫俱准承襲並將准承襲不准承襲成案開單覆奏朕思世職人員緣事革職其所犯情罪自有不同兵部定例僅以有無餘罪為斷不足以示區別現閱單開成案與定例固無歧異若以罪犯贓私者亦准照例承襲其何以倣貪墨嗣後凡世職人員有因犯贓之案革職並無餘罪者其子孫俱不准承襲著為令此次已革佐領保升所出世職之缺不准以其子阿林承襲著

該旗另行揀員帶領引見。

營私○原定駐防官貪酷殃民剋扣錢糧被人告發該將軍都統副都統不即審理者降一級罰俸一年其將軍統轄之城守尉等所屬各官有犯貪酷等款該城守尉等據告即為審明轉報將軍等察覈無將軍統轄者即為審明報部若不即審理呈報亦照此例議處○又定旗員家人犯贓其主不知情失於覺察者降一級調用○康熙二十三年議准旗員因事夤緣餽送禮物與者受者皆革職提問如餽送雖未收受

並未出首。後經發覺。將不出首官罰俸一年。

雍正元年奉

旨。旗員為外吏者。每為該旗都統參領各官所制。自司道以至州縣。於將選之時。必勒索重賄。方肯出結咨部。及得官後。復遣人往其任所。或稱平日受恩。勒令酬報。或稱家有婚喪等事。緩急求助。或以舊日私事要挾。至五旗諸王府。不體下情。分外勒取。或縱管事人肆意貪求。種種勒索。不可枚舉。以致該員竭蹶餽送。不能潔己自好。凡虧空公帑。罹罪罷黜者。多由於此。嗣後如有仍蹈前轍。恣意需索等弊。許本官據實

封章密詳督撫轉奏。督撫即據詳密奏。僕督撫瞻顧容隱。即許本官封章揭都察院轉為密奏。僕不為奏聞。即各御史亦得據揭密奏。務期通達下情。以除積弊。外任旗員毋得隱忍畏懼。朕不治以干犯舉首之罪。○又議准八旗賞給兵丁之物。該管官侵欺者革職。交刑部治罪。同官明知侵欺於部問時不據實直供者降二級調用。若並不知侵欺失於覺察者罰俸六月。○十一年議准旗員科斂所屬官兵財物入己及餽送人者皆革職計贓治罪。若因公朋扣財物不入己者為首降一級調用。

為從罰俸一年至並非因公或一時朋扣財物
並不入己為首罰俸一年為從罰俸九月。○乾
隆六年奏准在京八旗及外省駐防衙門在官
兵役指稱公事犯贓該管官知情者革職失察
贓至十兩以上者降一級留任不及十兩者罰
俸一年。○四十五年定各省將軍都統副都統
及駐防各衙門需用物件俱交承充買辦之人
公平買送不得交中軍暨屬員購買違者照違
制律革職中軍暨屬員均照溺職例革職其有勒令
屬員買送物件及短發價值或屬員藉此逢迎

餽送者俱革職治罪。○嘉慶十七年

諭嗣後凡管轄大臣生日所屬官兵有餽送如意者著

嚴行飭禁。○道光二年奏定官員隨任子弟親戚藉

辦公事之名與人接見致有夤緣因事受賄滋

弊等事其本官知情故縱者革職照律治罪僅

止失察者降一級調用若並無夤緣因事受賄

滋弊情事而聽其與人接見出入無忌以致犯

法者如酗酒鬪毆賭博宿倡等事將本官降一級調用止於

失察者本官降一級留任屬員縱容隨任子弟

親戚藉辦公事之名與人接見致有夤緣因事

受賄滋弊。該管上司知情徇隱不行揭參者。降三級調用。又奏定運到軍前米豆草束等項。所委經收旗員。延挨抑勒及不行收納本色。勒令折價者。將軍及統兵大臣查出題參。俱照貪官例革職提問。若經放錢糧官員將此等情弊已經申明不行糾參者。將軍及統兵參贊大臣亦革職提問。失察者。將軍及統兵參贊大臣各降四級調用。將經收旗員之該管官革職。至出征將軍統兵大臣大小官員及

欽差部差官員販賣米豆草束等物屬託地方官多

取價值或將民間所賣米豆草粟作為己物屬
託地方官令其收買者俱革職提問如將此等
情弊舉首者係官照伊應升之缺先用係平人
賞給八品頂戴。十八年題准東三省專城武
職大員縱容家人勒索所部內財物贓復入己
者革職治罪若屯官私向屯丁借貸者革職接
任官到任日久未經查出揭報者罰俸一年。

咸豐四年

諭。柏後善奏審明已革協領佐領派兵自護私宅並
將軍奕興奏辯各情一摺此案已革協領塔芬布因

聞兵丁妄報。輒調集兵勇。已屬輕舉妄動。又發兵在家守護。復任聽伊子恩和。派令練勇衛護私宅。實屬假公濟私。膽大專擅。塔芬布著。即發往新疆效力贖罪。已革佐領恩和。擅派練勇衛護私宅。亦屬任性妄為。著即發往軍臺效力贖罪。盛京將軍奕興。於屬員擅調兵勇各情。並不據實奏參。迨經書元參劾後。又復不候查辦。負氣陳奏。嘵嘵瀆辯。實屬有心徇庇。前已有旨。將奕興交宗人府議處外。並著革去盛京將軍。以示懲儆。○同治元年

諭。前因綿性奏伊犁領隊大臣貴文赴阿克蘇查辦回

戶事件。有授意招告需索羊麩情事。當奉

旨令景廉嚴密確查具奏。茲據景廉奏稱。查明貴文到阿克蘇時。並無授意招告情事。其供給羊隻米麩等項。係暫革糧餉章京國燭屬令阿奇木衙門由庫存正款支給。綿性藉詞自備。懇請收受。復冒昧以貴文需索供給奏參。實屬不合。綿性業經另案革職議罪。此案罪名著宗人府會同刑部一併覈議。國燭違例屬令阿奇木衙門豫備羊隻。復敢授意伯克烏述爾等。令其支領庫存正款。實屬膽大妄為。業經另案革職。從重發往黑龍江充當苦差。此案應得罪名。著毋

庸議。貴文以奉派查辦事件大員。不知潔已遠嫌於該處。支應羊隻米麵等物。未能即時拒絕。迨收受至四月之久。訪聞係動用正款。又不全行謝絕。僅令減去一半。繼始出示裁撤。明係風聞綿性奏叅。始行裁去。以致綿性有所藉口。且所具親供種種掩飾。有意彌縫。雖查無勒索情事。究屬不知檢束。迹涉貪鄙。貴文著交部嚴加議處。伊犁錫伯營佐領瑪克塔春。隨同收受羊麵等物。亦有應得之咎。著交部議處。所有該處買辦羊麵等項用過錢文。即責成貴文。瑪克塔春全數交出。歸庫給領。前署阿奇木伯克庫爾勒。阿

奇木伯克烏述爾。現署阿奇木伯克伊什罕。伯克斯瑪依爾。擅向糧餉局支借錢文。前署糧餉章京候補章京賡音圖。據領給發。雖係回明綿性。究屬有違定制。烏述爾斯瑪依爾業經另案革職。應毋庸議。賡音圖著交部嚴加議處。所有阿奇木衙門辦公用過錢文。即勒令烏述爾斯瑪依爾如數交出。並貴文等應交之項。一併歸還糧餉局。以重庫款。欽此。遵。

旨議准。貴文照溺職例革職。佐領瑪克塔春於貴文革職處分上酌減。議以降三級調用。毋庸查級紀議。抵前署糧餉章京已革候補章京賡音圖。應

從嚴照違

制公罪律革職留任註冊。

患病。○乾隆七年奏准。內外旗員患病。該管大員委官確驗。酌量給以假期。總不得過六月之限。如逾限未痊。有職任者開缺。若世爵將俸祿停支。俟病痊之日。具呈該旗都統。隨旗當差。自當差之日起支俸。無世爵者候缺補用。至額外食俸官。亦照此定限。有逾限不痊者。即行停俸。俟病痊之日。仍在原處當差。儻無病捏稱患病呈報者。將本官降一級調用。委驗官罰俸一年。

出洛之該管官罰俸六月。○又奏准王貝勒貝子公屬下護衛典儀親軍校等因病解任後經病痊仍以該員原官補用不准咨補別缺。○三十一年奏准內外三品以下官員及閒散世職因病告休者各該管大臣查驗具奏休致王等屬員長史司儀長等行文該旗都統副都統驗實咨部代題休致其典儀以下該都統長史等驗實咨部休致其各城駐防總管城守尉防守尉等官告休該管將軍都統督撫等題請解任回旗俟到旗之日該都統查驗咨部休致以上

告休各官。如有詐稱患病者革職。有世職者令應襲之人承襲。若係本人所得世職。即行革去。其徇情具報之該管官。俱降二級留任。罰俸一年。○嘉慶十五年。

諭。嗣後派往新疆人員。儻實有重病。恐誤公事。准其自行陳奏。候旨派員察看。酌奪如係路過地方。有代為冒昧陳請。以博寬厚之譽者。即交部治罪。○道光十八年。

諭。嗣後各省武職旗員。自副將以下。病痊由部帶領引見時。著該部照文職例。奏請坐補原缺。如有調用別

項之處候旨遵行。其有赴該旗自行呈請願改京職者著不准行。所遞原呈該旗亦不准接收。○咸豐九

年

諭前因札拉芬奏邊疆告病人員請照各省司道等官嚴定捏飾瞻徇各處分一摺當交惠親王等並軍機大臣會同該部妥議具奏。本日據該王大臣等議奏請嚴定章程以重職守。新疆地方幅員遼闊該大臣等職膺專閫宜如何講求邊防毋負委任。乃近來紛紛告病殊屬不成事體。著即照該王大臣等所議嗣後各城大臣遇有告病不准自行陳奏。其南路附

近葉爾羌者責成葉爾羌參贊大臣。北路附近塔爾
巴哈台者責成塔爾巴哈台參贊大臣。附近烏魯木
齊者責成烏魯木齊都統。附近伊犁者責成伊犁將
軍派員查驗。給以假期。若實係病難速痊。令驗看官
出具印結。由各該將軍等代奏開缺。如查有虛捏情
弊。將本員及出結之員俱議革職。代奏之大臣。照文
職代題之督撫例降一級留任。儻該大臣瞻徇情面。
亦照文職瞻徇之督撫例降三級調用。至伊犁葉爾
羌塔爾巴哈台參贊大臣。著由伊犁將軍烏里雅蘇
台參贊大臣。科布多參贊幫辦大臣。著由烏里雅蘇

台將軍遵照新章一律辦理自此次嚴定處分之後
儻再有捏飾瞻徇等弊定必嚴懲不貸至該將軍都
統等遇有告病准其自行陳奏惟各有鎮守地方統
率羣僚之責尤當正身率屬恪共厥職亦不得藉詞
患病率請開缺儻敢意存避就經朕察出亦必加以
懲處藉儆效尤其各懍之。○同治元年

諭兵部奏武職告病人員發往省分差委應否引見請
旨遵行一摺嗣後告病回旗及回籍武職各員奉有
諭旨因軍務發往各省差委者均著俟該部奏聞後
即遵旨前往毋庸先行引見以期迅速俟差委事竣

再行赴部補行帶領引見。○三年

諭前因常清奏葉爾羌參贊大臣景廉因病咨請開缺。曾經賞假一箇月調理。嗣據奎棟奏景廉已於拜摺後起程進口。當以該大臣並不靜候諭旨。擅自交卸起程。降旨嚴行申飭。仍令迅速折回本任。景廉於行抵歸化後。又經德勒克多爾濟代為陳請。復行賞假一月。飭令病勢稍愈。即行折回。茲復據德勒克多爾濟奏。據景廉呈稱病勢日深。懇請開缺回籍。並委員驗看。該大臣病勢實係沈重等語。景廉身膺邊寄職守攸關。縱使病非虛捏。亦當候旨遵行。何得擅自起

程且新疆現當多事之秋防勦均關緊要該大臣籍病推諉徑行離任謂非規避取巧其誰信之景廉著即行革職仍著德勒克多爾濟飭令在歸化城趕緊醫治一俟稍痊即行發往都興阿軍營聽候差委不准藉詞再行逗遛致干罪戾○光緒八年

諭金順奏伊犁參贊大臣升泰患病懇請開缺並起程回京日期一摺升泰籲請開缺應自行陳奏候旨遵行乃竟請金順代奏擅自起程回京金順率行代奏殊出情理之外均著革職留任

限期○原定八旗公中佐領員缺限二十日奏

請補授世管佐領員缺限三十日奏請補授若
限內不能完結先揀選一人奏請署理世爵員
缺限三十日奏請承襲參領副參領前鋒侍衛
護軍校驍騎校及步軍統領所屬各官員缺均
限二十日奏請補授駐防各官員缺及承襲世
爵來京者以人文到日限二十日奏請補授以
上內外各官如有行查調取及臨時患病服制
等事不能依限完結者將緣由知會稽察衙門
仍速行辦結註銷若無故遲延各按違限日期
議處○又定遠省駐防官因亡故懸缺者接任

駐防之人。限兩月起行。因老病告辭懸缺者。接
任駐防之人。限三月起行。其近京之直隸山東
山西河南等處。接任駐防之人。均限一月起行。
駐防兵亦照此限。官兵在途。每日限行六十里。
如違限一月以上者。官罰俸三月。兵鞭五十兩。
月以上。官罰俸六月。兵鞭六十。三月以上。官降
一級。調用。兵鞭七十。四月以上。官降二級。調用。
兵鞭八十。五月以上。官降三級。調用。兵鞭九十。
六月以上。官革職。兵鞭一百。不及一月者。免議。
若中途患病。及有阻滯難行情由。取有地方官

印結報部者免議。○康熙十七年議准八旗外任文武官因降革休致或裁汰候補例應歸旗者本人及家口該管官於五月內催令起程有驛大路日行一站無驛僻路日行五十里有水路者聽由水路行按站按里計日到京如無故不即起程或潛居別處或本人到京而家口仍住別處該管佐領驍騎校不能查報者一人降一級二人降二級皆留任三人以上者革職領催交刑部治罪參領署參領於所屬有一二人未行查報者罰俸一年三四人者降一級五六

人以上者降二級十人以上者降三級皆留任
都統等失於覺察一十人者罰俸三月三四人
者罰俸六月五六人者罰俸九月七八人以上
者罰俸一年十五人以上者降一級留任○雍
正七年議准八旗會議之事該都統等如期會
集按翼按品列坐議定畫題如越次不整者罰
俸一月其在

內廷行走不得到班者承辦官將所定之稿鈔錄
送閱於三日內畫題送回有應改者亦於三日
內送回如無故不即畫題以致事有遲延者照

違限例議處。至因有事入奏未及到班者。於次日會集補行畫題。若託故不到。罰俸一年。○又奏准八旗承辦一應事務。每月二次造冊送查。旗御史註銷。如有違限及遺漏者。叅處議奏。若承辦官以未完作為已完。造冊註銷者。罰俸三月。○八年奉

旨。兩三衙門會議會審之事。若一處曾經行催而他處尚不辦理。即著行催之衙門具摺奏聞。將來遲誤處分之時。免其議處。儻曾經行催而未奏聞者。日後因遲延議處。仍將該衙門一併交議。儻奏聞之後。以為

既經具奏。此後遲延與己無涉。以致事務仍復耽閣者。仍將該衙門一併議處。○乾隆五年。奏准八旗查辦冊籍之事。原無定例者。於到旗之日。酌量事之繁簡。奏明定限。該管官依限查辦。如有遲延。照例議處。○又奏准內外旗員將本身遲延之事。推諉他人者。除照違限日期議處外。因其推諉。再加罰俸一年。○又議准八旗承辦官。如因限期已屆。將應結之事。混行指駁者。罰俸六月。該管大員。罰俸三月。○又議准旗員有以遷葬修墳扶柩等事。往

盛京游牧地方及近京等處請假並請假往外省者二品以上有職任者自行奏請其餘各官該都統出具保結咨部按地方遠近定限給假給予路引前往入於月終彙題回日將路引繳銷若逾限不及一月者免議一月以上者罰俸一月二月以上罰俸兩月三月以上罰俸三月四月以上罰俸六月六七月以上罰俸九月八月九月上罰俸一年一年以上降一級調用半年以上降二級調用二年以上者革職如有患病阻滯等情取具該將軍都統副都統城守尉

印文或府州縣印結本人帶回免議其旗人有事請假往近京等處者領催馬甲人等由該佐領報明參領給予關防牌票前往仍將所往之地並來去限期呈明都統等備案前鋒護軍各項執事人等由各該處行文該旗由參領查明給予關防牌票前往閒散人等由佐領知會參領給予圖記前往至請假往外省者該都統咨部給予路引前往其路引關防牌票圖記回日即行繳銷若遲延不繳並逾限不回者鞭五十若不請假私往及雖請假不往所指之處別往

他處者係官革職前鋒護軍領催驍騎各項執事人等鞭一百革退閒散人鞭一百。又定八旗易結之事正限十日餘限十日參領佐領會行查辦之事十日限內不能完結者將原由呈明扣限二十日完結者餘限二十日補授內外各官正限二十日者餘限二十日正限三十日者餘限十五日各於限內完結如有行查調取及臨期患病服制等事不能依限完結者將緣由知會稽察衙門。又定世爵員缺統於歲終繕造家譜奏請承襲僮有爭告應查辦者限次

年八月以前查明具奏。遇有患病服制等情。於病痊服滿之日引。

見不必更俟歲終。如懸缺至二年不奏請承襲者。將該管都統等及承辦官分別議處。○又定旗員承辦之事。於餘限之外不能完結。一日至十日者。罰俸一月。十日以上者。罰俸三月。二十日以上者。罰俸六月。三十日以上者。罰俸一年。若係佐領遲延。將佐領驍騎校照承辦官例議處。佐領驍騎校罰俸一月者。領催鞭一十。罰俸三月者。領催鞭三十。罰俸六月者。領催鞭四十。罰俸

一年者領催鞭五十。都統等於屬官遲延之事自行參奏者免議。若經別衙門參奏如承辦官罰俸一月。都統等免議。罰俸三月者。都統等罰俸一月。罰俸六月者。都統等罰俸三月。罰俸一年者。都統等罰俸六月。○又定都統等參奏遲延。即於摺內將承辦官職名開明。別衙門參奏者。由部查取職名。各照例議處。○十五年奏准八旗承辦之事。限內不能完結。及奏補內外各官。有行查調取等事。限內不能完結者。准將情由聲明。奏定限期。不必立餘限之名。以致藉端。

遲誤。○二十二年奏准八旗世爵員缺統於年終承襲。僅有爭告及查辦不及承襲者入於次年。年年終奏請承襲。○二十四年奏准八旗易結之事。總限二十日內。參領佐領各分限十日。其會行查辦之事。二十日限內不能完結者。將緣由聲明。寬限十日。補授內外各官。有應限二十日三十日不能依限完結者。亦准其聲明緣由。各寬限十日。○又奏准。

盛京等省駐防接奉

欽部事件。於文到日限四月內完結。通行事件。如係

一城一旗限三月。各城各旗易結者限四月。難結者限六月。在各司可以覈定聲覆者限一月。題咨完結。如有違限。照事件遲延例議處。○又奏准。直年旗承辦事件。將已未完結之處。每月一次造冊。移咨稽察。欽奉。

上諭事件處都察院查覈。至歲底將一年內已未完結事件數目奏

聞後。亦造冊送覈。○三十一年奏准。在京升任官員。無論初任補任。總以奉

旨之日起。限十日內到任。該衙門即於五日內報部。

如無故逾限將本官罰俸三月若已經到任該
旗不能依限咨部即將承辦之員逾限一日至
十日者罰俸一月十日以上罰俸三月此內儻
有患病及別項事故不及限內到任該佐領等
出具圖記報部查覆○三十二年覆准稽查事
件全以日期為憑惟是各衙門及八旗往來文
移往往僅寫年月不填日期無從查覈嗣後八
旗都統衙門一應文移俱令本衙門填寫日期
咨送儻有不填日期者其收到文書衙門即送
科道衙門驗明於每月註銷本內聲明附叅儻

各衙門收到文書本無日期自行填寫者經該科道等查出一併題參○又奏准行查外省公文即將限何日到省之處於封面上註明該省咨覆到部公文亦將限何日到京之處於封面上註明各該衙門接到公文時按日覈對熱河察哈爾限四日山海關限七日青州限十日歸化城綏遠城限十一日

盛京限十五日京口限二十三日西安限二十五日吉林限二十九日杭州限三十日乍浦限三十一日荊州限三十四日黑龍江甯夏限四十一日

日涼州限四十三日福州成都限四十八日廣州限五十六日如有逾違查係何處遲延即將該管官照例議處其各省將軍都統副都統駐防等衙門除自行叅奏案件即將職名附列疏內送部毋庸起限外其由部查取職名者該省查辦雖由所屬協領佐領等官覈轉總以接奉部咨之日為始定限十日出文咨送如有必須行查所屬者即按轉查程途月日若干逐一扣明咨部覈定兵部即將何日咨行何日覆到敕入本內如有逾違查明遲延緣由照事件遲延

例分別議處。○又奏准步軍統領衙門由部查取職名事件。定限五日內咨送。○三十七年奏准新疆大臣官員辦理登答造銷錢糧冊籍等案。俱於奉文之日為始。伊犁烏什烏魯木齊限七月。咨覆塔爾巴哈台葉爾羌喀什噶爾限五月。咨覆吐魯番庫車喀喇沙爾限三月。咨覆或有行查咨覆。仍按道里遠近。將咨查覆到日期聲明扣除。如有遲延。均照例議處。○四十年奏准各省外任武職官員終養告病丁憂等事。回旗例應引。

見人員限二十日內具奏引

見完結。○四十四年奏准旗員告假逾限十日以上。罰俸三月。一月以上。罰俸六月。二月以上。罰俸一年。三月以上。降一級。調用六月以上。降二級。調用九月以上。降三級。調用雖有級紀。不准抵銷。一年以上者。革職。外省駐防旗員告假逾限。亦照此辦理。○四十九年奏准新疆等處及各省駐防赴京引。

見武職各官到京引

見後。勒限二十日。該旗催令起程。違者照例參處。○

五十年覆准各省駐防武職官員由該管大臣等給咨赴部旗引

見其起程回任日期俱令報部查覈順天府限十日直隸各處駐防限二十日

盛京綏遠城青州太原河南限三十日吉林江甯限四十五日西安限五十日杭州荊州限五十五日黑龍江甯夏限六十日涼州限七十日福州成都限八十日廣州限九十日其新疆滿營武職官員引

見例係遇差馳驛來京除在京守候日期不計外仍

照該處原定程限伊犁往返二百十日烏魯木
齊古城往返一百九十日吐魯番往返一百八
十日巴里坤往返一百五十日如有違限均照
綠營官員赴部回任違限例分別議處○五十
五年奏准在京八旗各營及步軍統領衙門如
有文移到部未能明晰經部駁查者以十日為
限咨覆如有遲延查參議處至各省駐防將軍
都統副都統及新疆各處辦事大臣遇有承辦
緊要案件限一月完結其奉部駁查事件以文
到日為始近在同城本處可以查覆者限二十

日出咨送部其不同城必須行文轉查者聲明
程途遠近扣除限期外限一月內出咨送部如
有遲延逾限或在駐紮本處或在所屬俱隨案
附叅嚴行察議○嘉慶六年奏准八旗世職員
缺遇有事故歲底不能承襲者於次年歲底查
明具奏承襲如懸缺至次年不奏請承襲者將
承辦官罰俸一年該旗大臣罰俸六月○又奏
准

盛京等省駐防接奉

欽部事件不能依限完結者將軍都統副都統計月

處分不許分坐屬員。若違限不及一月者免議。違限一月者罰俸三月。二月罰俸六月。三月罰俸九月。四五月罰俸一年。半年以上降一級。留任一年以上降二級。留任二年以上降三級。調用。僮遇事情重大限內難結者承查承辦之員將情由申詳該將軍都統副都統題明展限。如易結之事遲延不結或不將難結情由申詳將軍都統副都統該將軍都統副都統將屬員題叅或限內並逾限不及一月者將承查承辦官罰俸三月。若事件已經完結將屬員以遲延題

參逾限不及一月者將軍都統副都統免議屬
官罰俸一月若逾限一月者承查承辦官罰俸
一年將軍都統副都統仍計月處分並令將准
咨月日有無遲延之處隨案聲明儻遺漏聲明
將遺漏之員罰俸六月其加展地方不准扣道
里日期○又議准新疆等處及各省駐防官員
赴部引

見後並不依限起程該旗查參議處違限一月以上
者罰俸六月二月以上罰俸一年三月以上降
一級調用如起程後到任逾限仍照回任違限

例議處。若該旗不行嚴催起程，以致在京逗遛，未能查出者，本員違限一月以上，將該佐領、驍騎校罰俸三月。兩月以上，罰俸六月。三月以上，罰俸一年。至月選官領憑劄以後，及由京補放駐防人員起程違限，並該佐領、驍騎校不行嚴催者，亦照此例議處。○又奏准滿洲、蒙古、漢軍外任武職各官例應歸旗者，本人及家口該管官於四箇月內催令起程。若妄借事故，仍居原任地方，或潛居別處，或本身到京，仍留家眷於外者，該管佐領、驍騎校不行查出，呈報降一級。

留任參領副參領罰俸一年。都統副都統罰俸三月。又奏准八旗參奏事件。即將應參各員職名依限開送。其應行轉查別旗者。接查旗分。查明徑行送部。仍按接辦日期。照例扣限。至步軍統領衙門。稽察倉庫街道大臣參奏案件。一面將職名咨部。一面行文該旗。查取兼銜世職。加級紀錄等項。徑咨兵部。若該管大臣咨送逾違者。按照遲延月日議處。○又奏准旗員身任綠營。如引。

見及因公赴京有患病情事。令該佐領出具圖記報。

部在三月以內者准其給假如逾三月不痊該
旗都統委員驗看如果屬實咨部開缺調理病
痊之日照例查辦○十五年

諭領侍衛內大臣等奏漢侍衛呈請給假一摺向來漢
侍衛當差一年方准給假除黃國瑞黃廣吉黃德申
馮俊三已滿一年照例准假外其張青雲牛化蛟羅
興馬當差甫經數月該員等或以親老或因親病呈
請回籍省視原情曲體亦著准其給假但該員等是
否親老有無患病之處自當查明以昭覈實若其中
果有捏飾忍以父母哀病為詞既非人子之道而藉

端曠職。又失臣下急公之誼。著兵部行文各該省詳查。如有不實。即行參奏。嗣後漢侍衛未滿一年。以親老病呈請告假者。除准假外。仍照此查辦。○又議定。造報各項錢糧文冊。因外錯。以致遲延之案。除初次往返程途。並各上司查覈日期。均准其扣除外。其有屢經駁飭。遵照更正者。皆由該員不能悉心覈對。以致輾轉稽遲。所有再次駁查以後。往返程途。月日。並各上司查覈日期。概不准其扣除。仍按其違限月日。分別議處。至該管各官。亦不得故意駁飭。如違。將該管官罰俸六月。

兼轄上司罰俸三月。○又議定各旗辦理事件如有將應結之事混行駁查者該稽察衙門叅奏將承辦官罰俸六月該管大臣罰俸三月。○十七年奏准凡官員製造緊急軍器不依限速完者革職督製官降三級調用將軍都統副都統降三級留任修製尋常操演及換防需用各軍械貽誤承修承製官逾違不及一月者免議一月以上者罰俸六月兩月以上者罰俸一年三月以上者罰俸二年四月以上者降一級留任五月以上者降一級調用督修督製之員逾

限一月以上者。罰俸三月。兩月以上者。罰俸六月。三月以上者。罰俸一年。四月以上者。罰俸二年。五月以上者。降一級留任。將軍都統副都統。逾限一月以上者。免議。兩月以上者。罰俸三月。三月以上者。罰俸六月。四月以上者。罰俸九月。五月以上者。罰俸一年。如承修承製之員。玩視軍儲。將應領之帑。延挨請領者。按其違限月日。照修製逾限例。分別議處。儻該上司故意勒措。以致遲誤者。該上司降二級調用。承修承製官。免議。○道光九年奏定。外任職官。因裁缺另補。

或緣事降革休致及丁憂事故應行歸旗者任內並無未清事件離任之後無論前任文職武職統限六箇月起程回旗該管大臣等應飭該地方官催令起程照各省程途遠近定限大路有驛站者日行一站僻路無驛站者日行五十里自伊本任地方照站數里數按日計算扣定到京日期其有水路處所願由水路行者即於起程之先呈明由某省水路聽其行走仍按照原定限期計算到京俱咨報部旗查覈若限滿後無故不即起程及已起程而中途逗遛或不

行進京而在他處居住。違限在三月以上者。有職者降一級調用。半年以上者。降二級調用。已革職者。照閒散告假之例辦理。如實因患病。或任內有未清事件。難以起程者。該督撫查明確實。將情由咨報部。旗准其展限三月。如三月限滿。病尚未愈。及事件未清。准其聲明報部。再行展限。僅展限滿後。不即起程。亦照前例辦理。至起程後。行至中途患病。及因風水阻滯。難行。取具地方官印結。報明部。旗。其應展例限及違限處分。亦照此例辦理。若本身進京。而家口在他

處居住不及一同進京者。報明地方官。知照京旗存案。十二年奏定。八旗閒散告假外出。其回京不必勒定期限。如在外有事逗遛。准其報明地方官行文。該旗存案。回京之日。仍准挑差。儻出京已逾一年。並無地方官展限文書到京。即行銷除旗檔。各該旗於每年年終。將一年內告假若干人。某已回京。某未回京。某有地方官展限文書到京。一一分析註明。咨報戶兵二部存案。其出京一年之限。除往返程途及文書程限外。扣滿一年。尚未回京。年終

彙齊將無展限文書到京者。銷除旗檣。如有展
限文書到京者。不以逾限論。○二十六年題准
各部院所屬八旗官員。遇有應開之缺。該旗例
應即時報部開缺。其有遲至吏部截缺以後。始
行咨部。而尚在過堂以前者。承辦官罰俸三月。
若遲至過堂以後。始行知照。以致本月應選之
員。不得銓選。承辦官降一級留任。○光緒四年
議准。熱河都統管理卓索圖。昭烏達兩盟各旗。
如各該旗有玩視重案。不遵例限辦理者。該都
統即時奏參。如有延閣遺漏。未即奏參者。該都

統降二級留任。僮係知情有意延閣不參降三級調用。

休致。○原定內外三品以下各官及閒散世職有因病告休者各該管大臣查驗具奏休致。王等屬員長史司儀長告病王等行文該旗都統副都統等驗實咨部兵部代題休致。其典儀以下告休該都統副都統長史等驗實咨部休致。係五品以上官兵部彙題開缺六品以下官註冊開缺。其各城駐防總管城守尉防守尉等官告休該管將軍都統督撫等題請開缺咨明兵

部解任回旗。俟到旗之日。該都統等查驗咨部。休致。以上告休各官。如有詐稱患病者。革職。有世職者。令應襲之人承襲。若係本人所得世職。即行革去。其徇情具報之該管官。俱降二級留任。罰俸一年。○乾隆四十二年。奏准告休官員。奏請

賞給全俸半俸者。其所兼世職。概毋庸另襲。仍留該員本身。如兼世管佐領者。佐領有辦事之責。則不便仍留本身。應令照例承襲。係伊子承襲。毋庸另行請俸。係兄弟之子承襲。聲明緣由。具奏。

請

旨○四十七年

諭旗人錄用外任或因年邁不能任事或患病不能當差呈請休致回旗有世職者由該旗查驗著將世職仍留本身賞給全俸若並不請休經該上司勒休者雖有世職亦毋庸賞給俸祿永著為例○嘉慶十二年奏准武職官員俸滿推升經部調取引

見後該將軍始以衰老題請休致者將該員降頂戴二級休致其不能先事察看之該營將軍降一級留任督撫交吏部議處○道光十七年覆准

城門吏及信礮章京等官供職無誤年老休致後有因家貧呈請註銷休致回旗挑差以資養贍者若精力尚健准其將原品頂戴註銷咨該旗挑補差使。○咸豐二年

諭兵部奏請將八旗及各省駐防官員告休定例改歸畫一等語定例綠營官員凡遇軍政之年不准告病乞休八旗則例雖無專條向俱照綠營辦理惟各省駐防多有臨考告休仍請食俸者辦理殊未畫一嗣後各省駐防旗員均著與在京八旗按照綠營定例如有於軍政之年告病乞休者即行勒令休致其出

兵受傷非在三處以上亦不得題請給俸以杜規避
而免歧異。○同治元年奏准軍政逾歲原品休致人
員其曾經出征打仗殺賊者准照老病告休人
員有一二項功績年至六十以上之例俱以可
否賞給全俸請

旨。○光緒八年奏准軍營傷病原品休致人員嗣經
奏准起用送部帶領引

見奉

旨仍以原官補用者其從前得有升階及以某官記
名

簡放之案仍照原案註冊

欽定大清會典事例卷六百六

兵部

八旗處分例 戶口 錢糧

戶口○原定。城內旗人將誘來人口隱藏在家
販賣。本佐領驍騎校領催明知匿而不首者。佐
領驍騎校皆革職。領催枷一月。鞭一百。不知情
失於覺察者。佐領罰俸一月。驍騎校罰俸三月。
領催鞭五十。至旗下家人將誘來人口隱藏在
家販賣。伊主明知匿而不首者。係官革職。常人
枷一月。鞭一百。不知情失於覺察者。伊主係官

罰俸三月。常人鞭五十。此內各該管之人。或拏獲。或出首。或犯人自投首者。該管各官並伊主。皆免議。其城外園內居住家人有犯此等者。將伊主亦照此例議處。在屯內住者。將屯領催照旗下領催治罪。○順治年間定。八旗編審壯丁。將應入冊之人。隱匿不入者。係官罰俸三月。常人鞭二十五。失察之佐領。驍騎校。各罰俸一月。若佐領。驍騎校。將未成丁之幼童混入壯丁冊內者。罰俸三月。○又定。旗人將家僕私行開戶者。係官罰俸一年。常人鞭五十。失察之佐領。驍

騎校各罰俸九月。如無家主之人。佐領受財私
行開戶者。革職。交刑部治罪。○又定。旗員將非
其所屬不應入丁冊之人。私入丁冊。或將撫養
之子。冒入族中人冊內者。罰俸九月。係常人鞭
四十。失察之佐領。驍騎校。罰俸兩月。○又定。八
旗有將族人已經開戶之義子。作己奴僕。或分
與族人為奴僕者。係官革職。常人鞭一百。失察
之佐領。驍騎校。罰俸一年。若佐領。驍騎校。將所
屬良家子。誣為奴僕之子者。降一級調用。○又
定。八旗有將開戶之人。徇情蒙混保送為官者。

降三級調用。擬補之該管大員知情者，亦降三級調用。失察者，罰俸一年。○又定：官員欲承受家產，具告尊長，審虛者，降三級調用。如將族人生前撫養為子，已經承受家產，復行爭控者，罰俸一年。○康熙十一年，議准：旗員將所雇民人轉行鬻賣者，革職。若誣為己之奴僕，具告，或將未投充民人，誣為投充，具告者，皆罰俸一年。○又議准：旗員出差，將家下食餉之兵，及應當差之人，不呈明該管官，擅作隨役，或擅自差遣者，罰俸六月。○又題准：滿洲蒙古家人，賣與漢軍

及民漢軍家人賣與民者買者賣者係官罰俸
一年旗人鞭一百民責四十板佐領驍騎校內
管領知情者各罰俸九月領催鞭八十所買之
人並賣價皆入官及滿洲蒙古漢軍家人有不
應放出為民其主私行放出及私令贖身者亦
照此例議處其喀爾喀額魯特之人不許賣與
漢軍及民違者係官降一級調用旗人鞭一百
民責四十板所買之人入官○四十一年議准
賣身旗下之人原有房產守分度日於地方民
人並無擾累者許令原處居住原無房產者均

令伊主收回。若倚仗賣身旗下。恣意橫行。把持武斷。賭博姦淫。窩盜勾逃。許訟作證。擾累民人者。地方官據實詳報。拏送刑部治罪。不許仍在原處居住。若容留此等之人。仍居住原處者。其主係官降一級留任。常人鞭一百。○雍正三年議准。八旗佐領下。同族人內設立族長。約束一族之人。其獨戶小族酌量兼管。該都統等於男輕車都尉。騎都尉。雲騎尉。及舉貢生監護軍領催內簡選補用。若族長果能盡心教導。三年無過。由該旗具奏咨部。係官給以紀錄一次執照。

舉貢以下造印冊二本。一送部備案。俟得官日。報部給以紀錄一本。存旗備案。或未得官以前。遇族長內例應議處。或別遇罰俸之案。該旗將本人從前應得紀錄之處。一併咨部。准其以紀錄一次。抵銷罰俸六月。○五年議准。各省駐防官兵丁冊。由該將軍都統等於比丁之年。查明造具二本。鈐印咨送戶部。有隱匿不入冊者。照在京隱匿壯丁例議處。若將所生之子。假捏過繼。潛居別處者。革職。該管官失察者。罰俸一年。如在半年以內查報者免議。知情不查報者。降

一級留任。○六年議准駐防各官不得買民人為奴僕。違者降二級調用。若縱令家人私買及囑託兵丁代買者亦降二級調用。該管官不揭報者降一級留任。將軍都統等不查叅者罰俸一年。至駐防兵丁實在並無家人者具呈該管官確查屬實。出具保結。許其買人不得過二名。仍令賣身之人親至地方官處取具親供存案。立契書情願賣身字樣。鈐印為據。如有勒買者將該兵丁枷一月。鞭一百。若現有家人捏稱無有混買者鞭一百。失察之該管官降一級留任。

都統將軍等罰俸一年。以上官兵私買民人。經該管官查出者。皆免議。○七年議准。另記檔案之人。冒入滿洲正身冊內。及原係民人。繼嗣冒入旗籍者。係官革職。常人鞭一百。扶同徇隱具保之佐領。驍騎校。降三級調用。領催鞭八十。參領。副參領。罰俸一年。都統。副都統。罰俸六月。如佐領。驍騎校。並不知情。含混具保者。降一級調用。領催鞭六十。參領。副參領。罰俸六月。都統。副都統。罰俸三月。○八年奏准。應行入官之人。隱匿不報。本主係官。隱匿一人至三人者。降一級。

六人降二級。九人降三級。十二人降四級。皆調用十五人以上革職。隱匿之人入官。該佐領驍騎校。知情隱匿者同罪。失察隱匿三人以上。佐領驍騎校罰俸六月。參領副參領罰俸三月。十五人以上。佐領驍騎校罰俸一年。參領副參領罰俸六月。如佐領驍騎校隱匿。該參領副參領知情者。即照佐領驍騎校知情例議處。失察隱匿三人以上。參領副參領罰俸六月。十五人以上。參領副參領罰俸一年。都統副都統免議。○又議准發遣口外黑龍江吉林伊犁色里坤等

處為奴人犯及撥給山海關以外叛逆人犯妻子奴僕有私行偷賣放贖者賣贖之人係官革職常人枷兩月鞭一百該管官降二級調用其發往各省駐防為奴人犯有私行偷賣放贖者亦照此例行。○又議准開戶奴僕冒入另記檔案之內者除本人交刑部治罪外其蒙混造報之佐領驍騎校降一級調用領催鞭六十不行詳查之參領副參領罰俸一年都統副都統罰俸六月。○乾隆三年定八旗滿洲蒙古漢軍大臣官員以及另戶兵丁閒散人等之女三年一

次選驗該佐領等取具族長確實保結參佐領等再加詳查造冊咨送戶部如有隱瞞別經發覺隱瞞之人係官革職平人交刑部治罪該管官知情者降二級調用族長領催照該管官處分分別辦理族長係官照例議處兵丁折鞭責若不知情該族長草率具結者係官罰俸一年兵丁折鞭責佐領驍騎校不行詳查據以轉報者罰俸六月該參領罰俸三月領催折鞭責○五年定凡應選之秀女未經選驗以前不准私行許聘出嫁如選驗時適因事故不及

閱看之秀女。年未及歲。尚屬可待者。候下次選驗。若十八歲以上至二十歲者。該旗都統等查明遲誤緣由。具奏請

旨。儻有不候選驗。並未經該旗都統查奏請

旨。即先行出嫁及許聘者。本人係官革職。平人交刑部治罪。該管官及領催族長家長。俱照隱匿秀女例。分別辦理。○二十四年奏准。另記檔案及養子開戶人等。出旗為民後。復行冒入旗籍。並原係民人繼嗣。冒入旗籍者。佐領驍騎校等。仍照舊例議處外。其接任佐領驍騎校。不能查出。

仍照從前檔冊造報者。罰俸一年。○又奏准民人前已冒入另戶。隱匿不首。別經查出。或被首告。審實。本人係官革職。與常人均交刑部治罪。如係祖父冒入。其子孫不知不首者。免罪。該管佐領。驍騎校。領催。族長。及兼管之參領。副參領。統轄之都統。副都統。仍照另記檔案出旗。為民復行。冒入旗籍。例分別議處。○又奏准。迷失幼童。該汛步軍校。即日報明。步軍統領。轉行順天府。及各該管衙門。一面行知。看守城門官兵。加意盤詰。一面飛飭所屬該管員弁。躡緝。並通飭

附近地方官弁一體稽查。嚴緝務獲。如該管員
弁不即轉報關緝以致遲誤者。照推諉事件例
議處。其別處地方員弁有能盤獲者。准其紀錄
二次。○二十五年奏准。凡白契所買之人。其贖
身悉聽本主情願。其有酗酒犯上。滋生事端。及
設法贖身倚強贖身者。別經發覺。除治罪追還
身價給主外。將人口賞給外省駐防官兵為奴。
○二十六年奏准。累代效力家奴。家主不取其
身價銀兩。情願放出。已經呈明開戶者。准其為
民。若家主得銀放出。潛入民籍。未經報明部旗。

者。照例治以不行呈明之罪。仍准歸入民籍。○
三十年定。挑選秀女之時。如遺漏未曾傳知。係
佐領。驍騎校。領催遺漏。將佐領。驍騎校。罰俸一
年。領催折鞭責。族長家長俱免議。若族長遺漏。
係官罰俸一年。兵丁折鞭責。不行詳查之佐領。
驍騎校。罰俸六月。領催折鞭責。家長免議。其在
屯之秀女。該佐領。驍騎校。派領催前往稽查。與
在京秀女一體送選。如有隱瞞遺漏等弊。將派
往之領催。照在京族長例議處。至京城之族長
及該管官。除知情扶同隱瞞。及遺漏不行傳知。

仍與京城一例處分外。其草率具結之在京族長參領佐領驍騎校。比照京城例各減一等處分。此等隱瞞遺漏情由。如該管官於事後查出首報。將族長家長照例處分。該管官減二等議處。族長家長於事後出首。將族長家長及該管官均減二等議處。其有頭面肢體殘疾者。令家長同族長報明該管官送都統等驗明報部。免其送選。違者家長係官。罰俸一年。兵丁折鞭責。族長係官。罰俸六月。兵丁折鞭責。該管各官毋庸議。事後自首者。家長減一等處分。族長免議。

○三十五年

諭嗣後凡出差出兵人等。由家隨往跟役內。如有病故
逃走。必須使喚之人。若在經過地方。典買民人使喚
者。務令稟告各領隊大臣侍衛等詳查。呈將軍大臣
後。再行典買。如私自典買者。永行禁止。著為令。○四
十四年奏准。駐防各官。實無家人使用。呈明該
管官確查屬實。出具保結。移咨地方官詢明。係
情願賣給者。始准收買。仍不得過四名。違者降
二級調用。○四十五年議准。凡有分賞為奴之
回犯。及軍營帶來回子。俱令呈明各該旗分別

入冊。如有轉賣及分送親戚者。亦令受主呈明入冊。不得私相輟轉易主。違者原主及受主均罰俸一年。○五十七年

諭旗人行竊。其子孫俱著銷除旗檔。為民。將此著為例。仍通行八旗各省駐防。一體遵行。○嘉慶六年奏准各省駐防官兵雇用漢人。令理事同知查明造冊。交地方官查察立案。儻有姦匪改易姓名。竄入潛匿。該同知造報不實。並地方官不實力查察。交吏部議處。若家主知情徇隱。不行舉首者。係官降三級調用。無職人鞭一百。不知情或自

行查出送究者免議。○又奏准正身旗人子女不許私自典賣。違者照律治罪。失察之該管佐領驍騎校罰俸一年。參領副參領罰俸六月。○又奏准旗人捏稱並無同宗可繼為嗣之人。蒙混繼立異姓者。本人係官降二級調用。常人鞭責發落。仍飭令於族中人議繼。混行揭報之參領佐領等。均降一級留任。○又奏准八旗外任官員。如於出仕之後始行出繼歸宗者。即著該員取本管佐領圖結呈報。咨部改正。三代儻於父母疾篤之時。假捏出繼歸宗。豫為匿喪。戀職

地步者一經發覺即行革職不准援赦所有扶同出結之該旗佐領驍騎校降二級調用不行詳查遽以轉報之參領副參領罰俸一年率行出咨之都統副都統罰俸六月○又奏准旗人過繼兄弟之子為嗣及將旗人撫養為嗣未經報明入冊該佐領驍騎校不行查出者罰俸一年族長係官照佐領例議處無職人鞭六十失察之參領罰俸六月○又奏准旗人生女誑報生男編入戶冊冒食錢糧者除將本人交部按律治罪外其失察之佐領驍騎校降一級留任

參領副參領。罰俸一年。都統副都統。罰俸六月。
○又奏准另記檔案及養子開戶人等出旗為
民後復行冒入旗籍及原係民人繼嗣冒入旗
籍者。佐領驍騎校扶同徇隱具報。失察之參領。
副參領。降一級留任。都統副都統。罰俸一年。如
佐領驍騎校並不知情蒙混具報。失察之參領。
副參領。罰俸一年。都統副都統。罰俸六月。以上
族長係官。照佐領議處。無職人。照領催鞭責。接
任佐領驍騎校。不能查出。仍照前冊造報者。其
失察之接任參領副參領。罰俸六月。都統副都

統罰俸三月。以上佐領驍騎校並接任佐領驍騎校均照舊例議處。○又奏准累代效力家奴家主得銀放出潛入民籍未經報明旗部係官降二級調用常人鞭七十。○又奏准八旗迷失幼童幼女該步軍統領各衙門一面通行各直省一面飭屬並遴選幹捕嚴緝姦拐並收留不報之人如該管武職果能實心緝獲按其名數議敘一二名紀錄一次三四名紀錄二次五六名以上紀錄三次。若該地方有窩拐誘拐及收留不報之人不行查拏將該管各官亦按窩誘

收留名數議處一二名罰俸六月三四名罰俸
一年五六名以上降一級留任。儻姦徒將窩誘
之人在遠方轉賣。經地方官拏獲。供出曾在某
地方容留者。將拏獲與容留之各該地方專汛
武職。照前例分別議敘議處。○又奏准旗員於
該管地方。將迷拐人犯實力緝獲者。准給紀錄
一次。免其失察處分。○又奏准駐防官兵休革
病故。所遺眷口。並無倚靠。情願回京就養。呈明
該管大臣咨報部旗。查明屬實。准其自備資斧
回京。如不咨明部旗。私令回京者。該佐領防禦

驍騎校罰俸一年。協領罰俸六月。將軍副都統
罰俸三月。其回京後該旗未能查出呈報之佐
領驍騎校罰俸六月。自行查出者免議。○又奏
准賞給王公大臣為奴額魯特回衆其主不呈
報理藩院給照私令他往者罰俸六月。○道光
九年奏定旗員補放外任其子弟年至十八歲
以上已有職官欲帶赴外任者如本員有奏事
之責自行專摺具奏請

旨如無奏事之責呈明本旗都統查明具奏均准其
隨帶如未經奏請自行帶往者本員降一級留

任。失於查出之該管官。罰俸半年。若係兵丁。照

兵丁告假之例辦理。係閒散。並十八歲以下者。

俱照閒散出外之例辦理。俱毋庸具奏。其所帶往

子弟年至十八歲以上。欲請留任所者。亦照至

閒散在外有事。逗遛之例辦理。毋庸具奏。至

下五旗王公屬下之人。升任外任。其子弟現在

王公門上當差。該旗詢明該管王公等。如無用

伊之處。照兵丁告假之例辦理。若未在本王公門

上當差。照閒散之例辦理。○十年

諭福克精阿等奏。逃人達瓦請免銷旗檔一摺。察哈爾

已革佐領達瓦因病迷脫。逃逾月。拏獲。據該都統等

查明察哈爾蒙古皆以游牧為生。並無民籍可入。非
京城及駐防旗人可比。酌擬請旨。達瓦著免其銷除
旗檔。飭交該旗總管等嚴加管束。永不准挑補差使。
以示懲戒。○十二年奏定。八旗滿洲蒙古告假外出。
如因在外年久。或立有產業。娶有妻室。人地相
安。情願出旗為民者。准照漢軍例。呈明該處地
方官。將原領圖記執照咨繳原旗編入民籍。○
又奏定。旗人告假外出。及逃走在外。如有不安
本分滋事者。即由各該地方官審理。如犯笞杖
枷責罪名。與民人一體板責。毋庸知照京旗犯

徒流軍遣及死罪者與民人一體辦理將原領圖記執照咨繳京旗銷檔。若投往親族任所倚恃尊長挾詐需索准本官呈明上司究辦輕則遞解回旗重則照例懲辦銷除旗檔。又奏定八旗兵丁間散初次逃走一月內投回者仍准免罪挑差若逾限一月及二次逃走者雖自行投回均即行銷除旗檔。又奏定旗人犯盜犯竊及登臺唱戲寡廉鮮恥有玷旗籍者連子孫一併銷除旗檔。窩竊窩倡窩賭及誣告訛詐行同無賴不顧行止並棍徒擾害教誘宗室為非。

造賣賭具捏造假契行使假銀描畫錢票代賊銷贓一切誑騙詐欺取財以竊盜論准竊盜論之類俱銷除旗檔照民人例徒流軍遣一體問擬不准折枷如有心開脫者以故出人罪論○光緒五年議准駐防旗人因瘋走失逾限銷檔後因病愈投效軍營打仗出力經領兵大臣保奏仍准其歸入旗檔

錢糧○康熙年間定八旗支領錢糧該參領佐領驍騎校等親赴戶部銀庫與該管官公同稱兌支領後佐領驍騎校親看散給如支領時參

領佐領驍騎校不親赴銀庫各罰俸一年。佐領驍騎校不親看散給致領催侵漁短少者降一級調用。明知領催扣剋不即呈報者降三級調用。通同扣剋者革職交刑部治罪。○又定旗員將正雜錢糧擅自挪移別用者革職。若因緊急軍需未經報明該管官私自挪移應用者降一級留任。俟銷算清完日開復。至存留公用錢糧因公挪移者免議。挪移米豆草者亦照此例分別議處。○又定旗員有經管倉庫錢糧及承追拖欠等項若乾沒侵欺者革職交刑部治罪。領

催人等乾沒侵欺者。交刑部治罪。該管官革職。如佐領驍騎校侵欺。該管之參領副參領不行。查出者。降一級調用。都統將軍副都統。罰俸一年。又定在京旗員有降罰處分奉

旨後。即行註冊。一面知照戶部及該旗領俸時。該旗將該員降罰之處。聲明造冊送部。由外任升調京職者。若有隨帶降罰之案。本人呈報該旗造冊送部。由部將各員原有降罰並現在應照何品級食俸逐一查明。轉送戶部覈給。其造冊送部之後。有奉

旨新用人員原無俸可支。以及緣事開復未經開缺者。春季在正月三十日以前。秋季在七月三十日以前。准造冊補領。過此限者不准。革職之人。即行裁扣。又定旗員應支俸銀俸米。春季於上年十二月十五日以前。秋季於六月十五日以前。造冊送部。兵丁應領錢糧。於上月十五日以前。造冊送部。馬駝應領銀錢。於上月十八日以前。造冊送部。若冊內數有舛錯。並總數不符。由戶部即傳該旗承辦官改正。仍將冊領回。三日內鈐印送部。如三日內不行送部。及各項冊

不依限造送者。將承辦官照遲延例議處。其應領之米戶部移咨倉場限兩月內支放全完。不完將監放之旗員查叅。逾限不及一月者。罰俸三月。一月以上者。罰俸六月。二月以上者。罰俸一年。如監放五年均限內清楚。並無生事作弊者。紀錄一次。又定八旗宗室覺羅及滿洲蒙古漢軍武職各官俸銀俸米。兵丁錢糧。馬駝銀錢。由該旗依限造冊送部。將增減數目查對。轉咨戶部覈給。俟歲終由部將一年內官兵支過銀數繕冊一本。米數繕冊一本。馬駝銀錢數繕

冊一本恭呈

御覽。其有冒領錢糧者。係官革職。兵丁革退。皆交刑部治罪。通同徇隱之佐領。驍騎校。革職。若失於查察。降一級留任。轉報之參領。副參領。罰俸一年。都統。副都統。罰俸六月。如佐領。下間。散。冒領錢糧。該管各官處分。亦應照兵丁之例。一律議處。以上領催。照驍騎校處分。折鞭責。○雍正元年。議准。八旗兵丁指借私債。以應領銀米。充為利息。該管佐領。驍騎校。知情者。革職。參領。副參領。罰俸一年。領催。鞭一百。革退。失察者。驍騎校。

降一級留任。佐領罰俸一年。參領副參領罰俸九月。領催鞭六十。○又議准外任旗員借銀以六七百兩為千兩。出三四分利息者。該旗參領佐領驍騎校等不得具保。如有濫行具保者。罰俸一年。○二年議准旗員支放錢糧。如有豫給重支。或違例給發者。將經管官降一級調用。轉詳官罰俸一年。都統將軍副都統罰俸六月。其豫給之項。照數扣抵。至重支及違例給發者。於經管官名下追賠。○四年議准內外旗員將在官錢糧私自借用。或轉借與人者。革職。交刑部

治罪該管上司失察者降一級調用都統將軍副都統罰俸一年。若該管上司明知私用借用徇隱不揭報者降二級調用。已經揭報都統將軍副都統未查叅者降二級調用。揭報之該管上司免議。○五年議准佐領驍騎校領催等有在本佐領及兄弟佐領下私放印子轉子銀錢坐扣兵餉並夥同私放者佐領驍騎校革職領催革退皆交刑部治罪該參領副參領失察者降一級留任如佐領驍騎校雖未出本私放明知該管下有借放印子轉子之人不即首報轉

與屬下兵丁作保者革職領催鞭一百革退該
參領副參領罰俸一年。至佐領參領驍騎校等
平時失察致兵丁將錢糧扣還印子轉子者驍
騎校降一級留任。佐領罰俸一年。參領副參領
罰俸九月。領催鞭六十。七年議准八旗生息
銀原令營運以備賞給兵丁婚喪之用。該管大
員慎簡賢能官經營。如委用非人以致本利虧
缺。將經營官照虧空錢糧例分別治罪。該管大
員照失察劣員例議處。虧缺之銀著落經營官
及該管大員分賠。○又議准生息銀。經營官於

前後接任之時。造具舊管新收開除實在四柱清冊交代。如有私自侵蝕挪移者。照侵挪錢糧例議處。若藉稱官銀名色。占奪百姓行業。或重利短期。刻剝閭閻。並與商賈小民爭利者。將經管各官。照違禁取利律治罪。該管上司。照失察劣員例議處。○又議准。旗員有將生息銀借給兵丁。收取利息。以為賞用者。降四級調用。如兵丁假託商人之名。領銀不為詳查。遽行借給者。降一級調用。失察之該管大員等。各罰俸一年。儻銀有虧缺。著落經管官及該管大員等。分賠。

○八年奏准八旗經管米局官將米賣與商販鋪戶者罰俸一年。○乾隆七年議准旗員造報錢糧文冊並不分析明白以致款項不符者降一級調用轉報官罰俸一年。將軍都統等罰俸六月。將軍都統等覈叅者將造冊轉報之人議處。若文冊內數目舛錯遺漏者造報官罰俸一年。都統及轉報官各罰俸六月。係將軍都統等自行造報有舛錯遺漏者亦罰俸六月。至造報舛錯遺漏非關錢糧之案者造報官罰俸六月。轉報官罰俸三月。○二十六年奏准八旗官員

俸米限兩月支放全完兵丁甲米限一月支放全完不完照例議處。又奏准官員俸餉冊檔若因款項紛繁不能依限准其聲明咨請戶部展限五日如所送冊檔舛錯不符該旗承辦官領回改正鈐印送部亦不得逾五日之限如不依期造送照例議處。三十一年議准嗣後咨送俸餉冊檔於兼任內遇有降級留任等事將何任內降級之處註明咨送。三十二年奏准八旗養育兵米石於二月支領如兵丁年終不能前往該佐領下揀派領催代往關領照數給

予禁止售賣。違者將領催治罪。該管官員一併議處。○三十四年奏准支領俸米。應令八旗都統通飭歷旗參領。並嚴諭領催等。毋得與姦商交結售賣。儻有私行售賣者。將該旗參領查叅。領催等重懲示儆。○三十八年奏准各省駐防賞賚兵丁紅白銀兩。該將軍都統每年將動用過數目造冊咨送戶部查覈。儻經管官出結不實。有扶同徇庇及虧缺侵挪等弊。一經查出。將該員治罪。其銀兩即著落該員。並加結上司一體分賠。仍將加結各官照例議處。○三十九年

奏准八旗佐領下人私放印子轉子銀錢典買官兵俸餉或夥同有力之家重利借放或領催等於中取利坐扣兵餉者經佐領查出將私放重利之人送部治罪其本利由放債人名下追出交存該旗以為獎賞良善兵丁貧苦旗人之用其借債之人責處所借銀錢免其著追如佐領等不留心詳查或將情由隱匿不報如被該管大臣查出或被旁人首告俱參奏交部從重議處至歲底各該旗有無私放重利銀錢之處值年旗彙總奏

聞如該旗佐領等能留心詳查。於一年之內。查出借貸重利一二案者。給予紀錄一次。○四十九年。奏准伊犁糧石。特派章京於每年三月起至九月止。每月五次。船運存倉。如管船章京運糧並不逾限。米石不致潮溼。交納完竣後。紀錄一次。若怠玩以致船隻損壞。糧石潮溼短少。或違限期。查叅議處。○又奏准伊犁所開官鋪。每年派員詳查一次。如無挪移虧欠情弊。將承管協領等紀錄二次。若辦理不清。致有虧挪。即行嚴叅治罪。○又奏准開放倉糧。壓旗都統及查倉御

史親身到倉稽查。轉飭監督旗員實力奉行。眼同領米章京監放。毋許在倉人役及關米人等營私舞弊。儻有勒索錢文拋撒米石等事。監督章京等失於查察。或知情徇隱。都統御史即指名參奏。交部分別從重議處。○五十二年奉

旨。步甲逃走。所有浮支錢糧。著落該佐領驍騎校作為六分。參領作為四分。追出代賠。仍交部分別查議。嗣後遇有此等事件。即遵照此例辦理。○嘉慶六年奏。准各旗咨領米石。本旗都統副都統遇有緊要公事。不能輪班到倉。令各本旗派賢能參領前

往稽查。儻有違例滋弊者。都統等即行參究。如都統副都統失於覺察。罰俸一年。○又奏准。官員應領俸米。將米票遺失。不即呈報者。罰俸六月。該旗監放章京不行查催。以致逾限尚未領完。每一票罰俸三月。○又奏准。開放倉糧在倉人役及關米人等。有勒索錢文拋撒米石等事。監放旗員失察者。罰俸一年。知情徇隱者。降一級調用。○又奏准。伊犁糧石。特派章京依期船運存倉。若管運不慎。船隻損壞。糧石潮溼短少者。降二級留任。僅止船隻損壞者。降一級留任。

運送違限者。卽照解送錢糧沿途耽閣日期例
罰俸一年。○又奏准新疆烏魯木齊所屬各廳
州縣倉糧。凡借放徵收之時。均於開倉日起。知
會同城武職。監散查收。如有折散折收情弊。該
監收武官。立即稟參。儻扶同掩飾。蒙混出結者。
將該武職降二級。藉端挾制者。亦降二級。皆調
用。○又奏准

盛京銀庫。每年委員赴部。請領三省俸餉銀兩。令
協領同副關防。攜帶該處天平法馬。同在京戶
部專派司員一人。眼同彈兌足數。裝釘入箱。該

協領及副關防協同管解。毋許自行開箱。解到時。

盛京將軍會同戶部侍郎督率該庫關防等。同領餉各員拆箱。秉公平兌入庫。儻有侵虧情弊。即據實參奏革職審訊。○又奏准八旗官員春秋二季。應領俸祿。如將業經升任。並已降等降級。及奉差離任。另有委署之員。不行詳查。仍照原銜開報。及將現任之員。遺漏造入俸檔者。將承辦錯誤之佐領驍騎校。降一級留任。參領副參領。罰俸一年。領催鞭七十。○又奏准八旗官兵。

假捏紅白事故。冒領賞銀。該管各官扶同捏結者。俱降二級調用。不知情失察者。佐領驍騎校降一級留任。參領副參領及稽查章京。罰俸一年。都統副都統。罰俸六月。若所報之事屬實。多支銀兩者。除將稽查章京免議外。辦理錯謬之佐領驍騎校。參領副參領。都統副都統。均照前失察例議處。○又奏准各省駐防賞賚兵丁紅白銀兩。經管官有扶同徇庇侵挪等弊。將加結上司各官。降一級調用。不行揭叅之該管大臣。罰俸一年。○又奏准前鋒護軍另戶領催披甲。

人等捏稱事故。由該旗咨部呈請給予養贍者。本人鞭一百革退。該管佐領防禦驍騎校查驗不實。降一級留任。不行詳查之參領協領。罰俸一年。都統將軍副都統。罰俸六月。○又奏准八旗養育年幼兵丁米石。派領催代往關領。照數給予。禁止售賣。違者。該管官員罰俸六月。○又奏准旗員外任及監管稅務出京時。重利借銀。該旗參領佐領驍騎校等。從中圖利具保者。降一級調用。○又奏准退甲兵丁。例給養贍。如有捏報等弊。本人鞭一百革退。該管佐領防禦驍

騎校查驗不實降一級留任。不行詳查之參領協領罰俸一年。都統將軍副都統罰俸六月。○同治元年議准佐領於本管佐領下食錢糧之人業經身故匿不呈報仍舊造入餉檔希圖冒領錢糧者降三級調用。○光緒五年議准自行呈請開缺回旗養病人員聲明病痊尚堪起用者無論曾否出征受傷均不得請

賞食俸